



Termu Referénsia Rekrutamentu Vaga ba Espesialista Anti Corrupção (EAC)
Tinan Fiskal 2021

Kategoria/Grau	III klase	Totál Vaga	Ruanulu Resin Lima (25)
Funsau	Espesialista Anti Corrupção (EAC)	Fatin Servisu	Farrol, Díli, Timor Leste
Saláriu Mensál III klase, eskalaun I	USD 543 ho subsidiu alimentasaun USD 50	Tipu Konkursu	Konkursu Públiku
Saláriu Mensál estajiaru	USD 350 ho subsidiu alimentasaun USD 50	Relata- ba	Diretór no Xefe Unidade
Tipu Funsionáriu	Permanente (Sujeitu ba estajiaru durante fulan 12)		

A. Natureza Servisu

Bázeia bá lei kriaun CAC n^o.08/2009, 15 de Julho, previstu iha artigu 3^o Comissão Anti-Corrupção (CAC) nu'udar orgaun estadu neébe independente, hetan knaar hanesan polísia kriminal espesializada ho misaun halaó asaun sira prevensaun no investigasaun kriminal ba krime korrupsaun, (artigu 112) Lei n^o 7/2020, 26 de Augusto.

Atu halaó misaun neé, CAC presiza Timoroan sira neébe mak iha koñesimentu no badaen diak iha área oioin atu apoiu CAC. Tanba neé, CAC presiza Timoroan sira neébe hakarak tebes atu servisu ba estadu hodi luta kontra korrupsaun, iha área sira hanesan: jestaun finanseira, política públiku, relasaun internasional, konstrusaun sivil, eletrisidade, saúde, direitu, Informasaun Teknolojia no kooperasaun.

B. Deskrisaun Servisu

Responsabilidade jeral husi EAC apoiu CAC atu halaó atividade sira hanesan:

- 1) Prevene krime korrupsaun liuhusi dalan sira hanesan halo insensaun no monitorizasaun iha setór públiku liga ho utilizaun rekursu estadu nian no mos iha setór privadu,
- 2) Promove valor anti korrupsaun ba públiku hodi hasaé koñesimentu liuhusi dalan sira hanesan semináriu no konferénsia diskusaun tantu iha nivel lokal toó nasional,
- 3) Sensibilizasaun públiku hodi hasaé konxiensia atu partisipa ativu iha esforsu prevene korrupsaun,
- 4) Hametin kooperasaun sira ho entidade oioin ba esforsu prevene no kombate korrupsaun,
- 5) Apoiu ba preparasaun elaborasaun no monitorizasaun estratejia nasional ba prevene korrupsaun,
- 6) Promove valor sira anti korrupsaun nia liuhusi Media oioin,
- 7) Halo estudu no avaliasaun ba política públiku sira iha setór oioin neébe iha indisiu korrupsaun hodi asegura boa governasaun nian,
- 8) Halo investigasaun ba krime sira korrupsaun nian tantu iha setór públiku no setór privadu,
- 9) Apoiu haforsa jestaun intitucional CAC nian iha área sira relevante,
- 10) Halo servisu seluk neébe mak CAC haruka relasiona ho natureza servisu CAC nian,



- 11) Deskrisaun servisu espesifiku kada kandidatu sei ható bainhira iha ona destakamentu servisu, depois konklui ona periodu estajiaru nian, tuir natureza servisu kada diresaun ida-idak.

C. Rekezitu Obrigatóriu

a) Kondisaun Jerál

- 1) Sidadaun Timor Leste,
- 2) Idade / tinan tuir mata-dalan Estatutu Funsun Públika,
- 3) La involve no kondenadu iha aktu krime ruma, no nunka halo buat ruma neébe konsidera inkompátivel ho funsaun sirak iha administrasaun públika nian, (Karta Bom Komportamentu husi PNTL) sei apresenta wainhira pasa iha fáse intrevista nian,
- 4) La hetan demisaun ka sansaun disiplinár husi instituisaun Estadu ka nomos husi institusaun sira seluk tantu privadu no NGO/asosiasaun ruma. (Karta Referênsia husi instituisaun).
- 5) Saúde di'ak, tantu fíziku no mentál hodi hala'o funsaun iha vaga refere, neébe indika iha atestadu médiku husi ospital sira, no dokumentu atestadu médiku refere sei apresenta wainhira pasa ba iha fáse intrevista nian.

b) Rekezitu Kualifikasaun Téknika no Esperiência Servisu

- 1) Hatudu kapasidade uza Lian ofisial Timor-Leste ho di'ak (Tetum ka Portuguese, entre ida),
- 2) Hatudu kapasidade análise no hakerek relatóriu neébe qualidade uza lian Ofisial Timor-Leste nian (Tetum ka Portuguese, entre ida),
- 3) Hatene utiliza komputador (Ms. Word, Ms. Excel, PowerPoint, internet no porgrama sira relevante),
- 4) Kapasidade hatene halo analiza relasiona risku sira korrupsaun iha área neébe aplika ba,
- 5) Iha koñesimentu liga ho Convenção Nações Unidas Contra Corrupção/ UNCAC (United Nation Convention Against Corruption) no enkuadramentu legál sira relasiona ho Anti Korrupsaun iha kontestu Timor-Leste (liuliu Lei nu. 8/2009, Lei Nu. 7/2020),
- 6) Iha ona esperiência servisu relasiona ho área neébe kandidatu sira aplika ba.

c) Rekezitu Administrativu no Dokumentu sira

- 1) Foto-kopia identidade Timor-Leste nian neébe sei validu hanesan Kartaun Eleitoral, BI, Sertidaun Nasimentu (Sertidaun RDTL), no dokumentu sirak seluk ne'ebe relevante;
- 2) CV (Curriculum Vitae) atualizadu iha Língua Ofisial Timor-Leste nian,
- 3) Foto-kopia sertifikadu edukasaun formál ikus ho transkrisaun valor akademiku nian neébe hetan legálizasaun husi Ministeriu Edukasaun tahan ida no lori ho original hodi bele justifika, bainhira mai rejistu. Ba sira neébe haruka liuhusi email, tenke apresenta molok lora ida hahu ezeme eskrita,
- 4) Sertifikadu relasiona ho kursu ka formasaun neébe mak kandidatu iha,
- 5) Foto Koloridu 3x4 (tahan 2);
- 6) Bainhira mai rejistu tenke lori ho kartaun Eleitoral ka BI (Billete Indentidade) original atu sertifika identidade kandidatu nian. Ba sira neébe mak haruka aplikasaun liuhusi email, bele mai apresenta antes lora ida hahu ezeme eskrita,
- 7) Karta referênsia mínimu ema nain rua (2) ho asinatura. Ema neé nuúdar superior/supervisor emediata iha servisu fatin ka entidade sira neébe kandidatu halo parte ba, inklui numéru kontaktu. Ema neébe sai referênsia tenke iha relasaun servisu no laós husi membru/relasaun família, maibe ho esepasaun kuandu sira neé nuúdar superior iha servisu fatin.



D. Rekeztu Kualifikasaun interpersonal

Kandidatu sira presiza prienxe kualifikasaun interpersonal hanesan tuir mai neé:

- 1) Iha sensibilidade bá ambiente servisu no asuntu sira sosiu-kulturál no polítika;
- 2) Hatudu étika, moral no lealdade ba instituisaun no superior iha CAC, hodi aseguira servisu ho maturidade no iha responsabilidade;
- 3) Hatudu vontade atu servisu no buka hatene liutan no hasoru desafiú iha CAC inklui servisu iha oras extra;
- 4) Hatudu kapasidade servisu hamutuk iha ekipa ka grupu;
- 5) Motiva funsionáriu iha servisu fatin atu servisu di'ak no puntualidade iha oras servisu nian;
- 6) Hatudu jestaun komunikasaun ida neébe diak no ezemplar iha servisu fatin;
- 7) Familiar ho dinámika mudansa organizasionál nian;
- 8) Hola asaun ho integridade tuir prinsípiu étika nian neébe vigora iha lei no regulamentu interna sira;
- 9) Prontu servisu iha presaun sira tanba naturza servisu CAC nian no hatudu kapasidade atu rezolve problema prátika sirak no komplikadu neébe envolve situasaun oin-oin;
- 10) Prontu destaka ba iha teritoriu laran tomak no mos iha rai liur;

E. Rekerizitu adisionál sira neébe prefere liu:

- 1) Abilidade iha língua sira iha traballu nian, no língua internasional sira seluk,
- 2) Iha sertifikadu sira seluk neébe relevante ho área servisu nian,
- 3) Iha Kartaun Kondusaun (SIM) karreta no motorizada.

F. Detaillu Vaga ba Espesialista Anti-Corrupção (EAC)

CAC presiza kandidatu sira ba EAC iha área sira ho ninia kuantidade vaga, deskrisaun servisu sira no rekeztu espesífiku hanesan esplikia iha ANEKSU I-X iha pájina tuir mai.

G. Oinsa atu hatama dokumentu ba CAC?

- 1) Aplikasaun haruka ba iha Komisáriu CAC ho naran kompletu: **Dr. Sérgio de Jesus Fernandes da Costa Hornai**. Iha karta indika numeru referénsia iha área neébe mak hakarak aplika;
- 2) Dokumentu submete iha map tuir kor neébe termina ona no hakerek numeru referénsia ba área neébe aplika ba;
- 3) Ema ida aplika ba iha área ida deít, aplikasaun labele liu área ida. Kuandu liu, Ekipa juri iha liberdade tomak atu elimina área balun sem konsulta ho kandidatu sira;
- 4) Aplikasaun bele hatama liuhusi Edifísiu CAC, Travessa Sergio Vieira de Mello, Faról Dili Timor Leste, no mos bele liuhusi email arlindo@cac.tl no CC ba ersio@cac.tl;
- 5) Ba aplikante sira ne'ebé aplika liu husi email dokumentu hotu tenki iha formatu *soft copy* ka eletróniku, no dokumentus hotu tenki tau iha formatu PDF no tenki rai hamutuk ka organiza iha dokumentu ida deit no tenki iha asinatura husi aplikante;
- 6) Aplikasaun hahu husi lora 29 fulan Junhu 2021 to'o lora 19 fulan Julhu 2021, durante oras servisu nian .

Dili, lora 29.06 2021;

Komisáriu CAC


Dr. Sérgio de Jesus Fernandes da Costa Hornai





ANEKSU I:
Vaga EAC iha Área Saúde

Nu. Referência:	CPI/01/2021
Total Vaga:	Ida (1)
Kor Map	Kor de Rosa (<i>Pink</i>).

Rekeztu Espesifiku sira

a) Rekeztu koñesimentu no esperiênsia iha área refere

- 1) Iha koñesimentu liga ho sistema atendimento iha organizaçaun relasiona ho saude públiku no aspetu sira mediku nian;
- 2) Iha konesimentu no badaen (skill) relasiona ho jestaun iha area saude.
- 3) Iha koñesimentu baziku relasiona prinsipiu/metodu peskiza iha política no jestaun iha setor saude nian;
- 4) Iha abilidade atu halo analiza relasiona ho problema sira saude nian iha sosiadade tantu iha nivel lokal, nasional no internacional.
- 5) Abilidade halo analiza ba informasaun sira liga ho risku no indisiu korrupsaun iha area saude nian no produs rekomendasaun ba CAC hodi halo asaun sira nesesariu tuir natureza CAC,
- 6) Koñesimentu jeral relasiona ho política iha setór saúde públiku Timor-Leste nian,

b) Rekeztu habilitasaun Akadémika:

Edukasaun formál mínimu Diploma III iha área Siensia Saúde ka Jestaun Saude Públiku, ka iha área neébe ekivalensia.



COMISSÃO ANTI CORRUPÇÃO
DIREÇÃO DE SERVIÇO DE APOIO E COOPERAÇÃO
UNIDADE DE PESSOAL DE APOIO

Travessa: Sérgio Vieira de Melo, No 8 Farol, Dili Timor-Leste
Telp : 3331382 / E-mail: administration@cac.tl, Website: www.cac.tl

ANEKSU II:
Vaga EAC iha Área Direitu nian

Nu. Referência:	CPI/02/2021
Total Vaga:	Haat (4)
Map Kor	Mean (Red)

Rekezitu Espesifiku sira

a) Rekezitu koñesimentu no esperiênsia iha área refere

- 1) Kompriende kona-ba sistema legál sira neébe iha Timor-Leste,
- 2) Kompriende kona-ba separasaun poder iha estadu Timor-Leste neébe hatur iha KRDTL,
- 3) Koñesimentu kona-ba sistema justisa iha Timor-Leste
- 4) Koñese no hatene kompetênsia orgaun judisiál no polísia Kriminal iha Timor-Leste,
- 5) Hatene kona-ba sistema justisa penál Timor-Leste nian,
- 6) Koñesimentu regime jurídku sira relasiona ho prevensaun korrupsaun (Lei Brankamentu Kapitaís no Finansiamentu Terorizmu, Lei sira aprovizionamentu, Lei Prosidimentu Administrativa, Lei sira liga ho jestaun finanseira nian).

a) Rekezitu habilitasaun Akadémika

Edukasaun formál mínimu Lisensiatura (S1) iha área direitu.



ANEKSU III:
Vaga EAC iha Área Media no Komunikasaun nian

Nu. Referência:	CPI/03/2021
Total Vaga:	Ida (1)
Map Kor	Kinur, (Yellow).

Rekezitu Espesifiku sira

a) Rekezitu koñesimentu no esperiênsia iha área refere

Rekezitu sira espesifiku abilidade kandidatu iha area neé mak:

- 1) Hakerek no analiza ba informasaun sira relasiona ho área anti korrupsaun nian,
- 2) Halo kobertura (video no fotografia) bá atividade ka eventu sira Komisaun nian, inklui transkrisaun informasaun sira relasiona ho natureza servisu CAC nian,
- 3) Halo jestaun ba informasaun sira relevante hodi publika iha Boletim Integridade, website CAC no dezamina iha media sosial sira seluk;
- 4) Produs Press Release liga ho atividade sira CAC nian,

b) Rezitu Abilitasaun Ademiku

Edukasaun mínimu Baxaralatu iha estudo Média-komunikasaun, jornalismo, no área sira neébe relevante neébe prova ho sertifikadu akademiku nian instituisaun formál neébe akreditadu,



ANEKSU IV:
Vaga EAC iha Área Konstrusaun Sivil
(Especialidade iha Edifisiu, Estrada no ponte)

Nu. Referência:	CPI/04/2021
Total Vaga:	Rua (2)
Map Kor	Matak (<i>Green</i>).

Rekeztu Espesifiku sira

a) Rekeztu koñesimentu no esperiênsia iha área refere

Kandidatu iha área refere rekere abilidade sira hanesan:

- 1) Hatene halo no lee dezeńu sira liga ho projetu konstrusaun, liuliu iha dezeńu sira Edifisiu, Estrada no ponte nian;
- 2) Hatene halo no analiza dezeńu konstrusaun ho ninia BoQ, liuliu iha área refere;
- 3) Kapasidade iha utilizasaun komputador (abilidade iha operacionalizasaun Ms. Word, Ms. Excel, PowerPoint, AutoCAD 2D/3D, internet no porgrama sira relevante);
- 4) Konesimetu kona-ba analiza laboratoriu iha sira tekniku nian no teste materials konstrusaun;
- 5) Koñesimentu kona-ba monitorizasaun no inspesaun ba projetu liga ho konstrusaun iha área refere;
- 6) Halo analiza no avalia teknika liga ho risku sira korrupsaun.

b) Rekeztu habilitasaun Akadémika

Edukasaun formál mínimu Diploma III iha área konstrusaun sivil (civil/arkitetu (arsitek)) no iha área relevante seluk.



ANEKSU V:
Vaga EAC iha Área Eletricidade nian

Nu. Referência:	CPI/05/2021
Total Vaga:	Ida (1)
Kor Map	Matak (<i>Green</i>).

Rekezitu Espesifiku sira

a) Rekezitu koñesimentu no esperiênsia iha área refere

- 1) Iha koñesimentu jeral iha área eletrisidade nian;
- 2) Koñesimentu iha área enkuanramentu legál liga ho política eletrisidade nian;
- 3) Iha koñesimentu kona-ba jestaun hasae rendimentu iha área eletrisidade nian;
- 4) Abilidade halo analiza no produs relatoriu relasiona ho problema sira iha área eletrisidade Timor Leste nian;
- 5) Kapasidade iha utilizasaun komputador (abilidade iha operacionalizasaun Ms. Word, Ms. Excel, PowerPoint, AutoCAD 2D/3D, internet no programa sira relevante).

b) Rekezitu habilitasaun Akadémika:

Edukasaun formál mínimu Diploma III iha área eletrisidade ka iha área relevante.



ANEKSU VI:

Vaga EAC iha Área Informasaun no Teknolojia (IT)

Nu. Referência:	CPI/06/2021
Total Vaga:	Rua (2)
Kor Map	Laranja, (Orange).

Rekeztu Espesifiku sira

a) Rekeztu koñesimentu no esperiênsia iha área refere

- 1) Iha koñesimentu jeral kona-ba área IT nian;
- 2) Koñesimentu iha área enkuanramentu legál liga ho política IT nian;
- 3) Iha koñesimentu atu asegura sistema IT neébe integradu hodi deskobre no dismantela indisiu sira korrupsaun;
- 4) Iha koñesimentu kona-ba instalasaun no manutensaun ba Sistema IT, analisa sistema IT, software, hardware, Firewalls, Routers, Switches, VPN, LAN, WAN, Wireless LAN, Microtic, network administration inklui Network security, SISCO networking;
- 5) Iha koñesimentu kona-ba desenvolve website uza aplikasi sira hanesan, Wordpress, Joomla, no selu-seluk tan ne'ebe relevante.

b) Rekeztu habilitasaun Akadémika:

Edukasaun formál mínimu remata Diploma III iha área Informasaun Teknolojia (IT) ka iha área relevante;



ANEKSU VII:

**Vaga EAC iha Área Ekonomia, Jestaun Financeira, Kontabilidade, Impostu
no área sira relevante**

Nu. Referência:	CPI/07/2021
Total Vaga:	Hitu (7)
Kor Map	Ajul (Dark Blue).

Rekeztu Espesifiku sira

a) Rekeztu koñesimentu no esperiênsia iha área refere

- 1) Iha koñesimentu kona-ba sistema financeira OGE ho ninia rubrika sira Timor-Leste nian;
- 2) Iha koñesimentu kona-na kontratasaun públiku nian tantu nasional no internacional;
- 3) Iha koñesimentu kona-ba leislasaun sira liga ho impostu domestika no adoneira hanesan importasaun no exportasaun;
- 4) Iha koñesimentu kona-ba servisu alfândega nian;
- 5) Iha koñesimentu ka abilidade halo auditoria ba ezekusaun planu servisu no orsamentu nian,
- 6) Iha koñesimentu liga ho enkuadramentu legál sira hanesan, aprovizionamntu, imigrasaun, brankamentu kapitais, kontabilidade forensika no auditoria financeira,
- 7) Iha koñesimentu kona-ba prosesu sira investigasaun financeira nian.

b) Rekeztu habilitasaun Akadémika:

Edukasaun formál mínimu Lisensiatura (S1) iha área Jestaun Ekonomia, kontabilidade, Jestaun Financeira, Jestaun Bankaria no área relevante sira seluk.



ANEKSU VIII:
Vaga EAC iha Área Planeamentu no Jestaun Programa

Nu. Referência:	CPI/08/2021
Total Vaga:	Haat (4)
Kor Map	Ajul kalohan, (<i>Aqua</i>).

Rekezitu Espesifiku sira

a) Rekezitu koñesimentu no esperiênsia iha área refere

- 1) Hatene kona-ba Planu Estratéjiku Desenvolvimentu Nasional (PEDN);
- 2) Iha koñesimentu kona-ba Objetivu Desenvolvimentu Sustentavel (ODS);
- 3) Hatene prinsipiu sira relasiona elaborasaun planu ho ninia *logical framework* nian;
- 4) Abilidade atu elabora programa, halo monitorizasaun no avaliasaun;
- 5) Hatene no iha koñesimentu kona-ba siklu jestaun projetu,
- 6) Hatene kona-ba Enkuadramentu legál sira neébe relevante hanesan, aprovizionamentu, Jestaun Finaseira.

b) Rekezitu Abilitasaun Akadémika

Edukasaun formál mínimu Licenciatura (S1) iha área Jestaun, Planeamentu, Administrasaun Públiku, no área relevante sira seluk.



ANEKSU IX:
Vaga EAC iha Área Kooperasaun Institusional

Nu. Referência:	CPI/09/2021
Total Vaga:	Ida (1)
Kor Map	Kor de rosa, (Pink).

Rekezitu Espesifiku sira

a) Rekezitu koñesimentu no esperiênsia iha área refere

- 1) Iha konesimentu no esperiênsia relasiona ho servisu/éstratejia kooperasaun sira polisiál iha nivel oioin;
- 2) Abilidade atu maintain relasaun ida efetivu ho entidade sira nakait, liuliu ho parseiru sira tantu iha nive local, nasional, internacional;
- 3) Abilidade prepara planu kooperasaun, monitoriza akordu kooperasaun sira no apoiu negosiasaun sira liga ho servisu sira ba prevene korrupsaun nian;
- 4) Abilidade relasiona protukulu sira hanesan organiza enkontru, seminariu, eventu sira kooperasaun nia no fahe infomasaun sira relasiona esforsu prevene krime korrupsaun nian;
- 5) Iha koñesimentu kona-ba dezvoltamentu instrumentu legál sira neébe iha ligasaun ho área kooperasaun institusional nian;
- 6) Iha koñesimentu kona-ba parseiru estratéjiku CAC nian tantu nasional no internacional;

b) Rekezitu habilitasaun Akadémika:

Edukasaun formál mínimu Licenciatura (S1) iha área Relasaun Internacional, Administrasaun Públiku, Direitu no área relevante sira seluk.



ANEKSU X:

Vaga EAC iha Área Política Pública (*Public Policy/kebijakan publik*)

Nu. Referência:	CPI/10/2021
Total Vaga:	Rua (2)
Kor Map	Mean (<i>Red</i>)

Rekezitu Espesifiku sira

a) Rekezitu koñesimentu no esperiênsia iha área refere

- 1) Hatene kona-ba siensia governamentais no boa governasaun;
- 2) Iha koñesimentu kona-ba lei jestasaun finanseira;
- 3) Hatene kona-ba Planu Estratéjiku Desenvolvimentu Nasional (PEDN);
- 4) Iha koñesimentu kona-ba Objetivu Desenvolvimentu Sustentavel (ODS);
- 5) Abilidade atu manitoriza, identifika no halo analiza ba política pública nia neébe iha potencia risku ba korrupsaun nian;
- 6) Hatene kona-ba prinsipiu no pratika diak liga ho política pública nian;

b) Rekezitu habilitasaun Akadémika:

Edukasaun formál mínimu Licenciatura (S1) iha área Relasaun Internacional, Administrasaun Pública, Direitu no área relevante sira seluk.